

悟真集卷下

連三

悟真集卷下

連三

錦屏山通玄子李先生集

詩

勸修行早離鄉

修行不遠離親愛只為當生泥水債元本因

他泥水成下稍管被泥水壞

釣馬先生未許

苦海漂流欲釣鼈見鼈不敢下釣撈柰何一  
冰傾舟浪怒捲風波轉更高

內觀心月

自家宮闕徹天寬  
高掛團團白玉盤  
皎潔清光無翳障  
簾幃深鎖恣情觀

鎖猿

赤帝山中黑色猿  
攀花摘果要難收  
而今打得金剛索  
鎖在黃庭不舉頭

連三

繫馬

靈臺赤馬太驕肥  
愛對風前月下嘶  
幸得民安無戰陣  
舊槽緊繫不牽騎

問一暮不出菴

結制生涯戊巳家  
慇懃特地造三車  
琢開古

輒崑崙過大道周流無障遮  
痛飲刀圭灌玉花醉眠一任日西斜  
客來幾度敲門喚一夢遊仙尚未家

壺中境

天內一天少見知無生真境此為基  
道人箇裏曾遊歷休問修行無有為

試筆

心手相忘玉管搖聲如寒雨響瀟瀟  
不離繭紙兩三幅寫出龍蛇千萬條

春愁

人被春來苦不忺等閑難上我眉尖尋思白  
髮無情理不問主人添便添

謁袁權府

三秋雨過曉風悲深慮寒生試問衣小富欲  
成近大富柴扉故掩謁朱扉

連三

二

誠謗傲

萬慮沉沉一氣沖朝昏常在杳冥中人來話  
我我慵語識破人間事事空

錯認

聲色堂中休覓佛馨香洞裏莫尋仙請觀猿

摸波間月影動方知不是天

雪

雲生風送雪霏霏誰識乾坤造化機碧玉峯  
前童子笑黑牛變作白牛歸

夢飲

意倦琴書卧小軒夢隨劉阮酌桃源醒來復  
醉醉還醒寂寂無人啼曉猿

同人見訪

昨感良朋蠟屐來東臯笑傲晚慵迴樵童侍  
我臨流坐不賦新詩亦快哉

養志

收拾琴書歸去來  
鶴全毛羽蛤成胎  
得衝霄漢渾無礙  
高銜神珠晃九埃

警送孝

臭腐化神神化臭  
輪迴一舊一番新  
明知物

連三

三

理渾如此何事生人送死人

居山

蟠跡茅菴已數年  
等閑無事不山前  
莫言閑樂不由已  
自是人心著萬緣

屋上峯巒映夕陽  
半林紅翠匝茅堂  
茶餘客

去紫門掩閑弄流泉趁晚涼

別河津和馬先生韻

樂寓山菴未卜歸征鴻喚省思依依如今已  
得逍遙趣擬學孤雲自在飛  
道人心似白雲閑動止從容自在間憶出谷  
時便出谷要歸山則即歸山

嘆生死

行尸休爲死尸悲父去看看子亦隨陰簿星  
星明有限只爭勾早與勾遲

月夜



風收雲幕露青天  
天地冰壺冷湛然  
萬點星  
踈銀漢淡一輪明月正孤圓

陽火

陽光上越一重天  
下徹無疆九壘邊  
星月伏  
藏陰怪滅一輪赫赫顯孤圓

牧牛

牧童晚唱樂江邊  
放下白牛不顧牽  
寂寂蘆  
花煙水外一輪明月照青天

自樂

外無煩惱內無思  
不醉不醒不即離  
何事道

心清樂處碧天風  
細月明時

警昧真心

共說修心不識心  
真心別隱洞天深  
欲知不問修真士  
走遍天涯無處尋

寄楊先生

連三

大法堂前授劍時  
囑教付與丈夫兒  
奈何落在雌柔手  
匣內悲鳴孰可知

勸學

天元真氣上天梯  
收拾栽培要灼知  
全會始終無退倦  
只爭成早與成遲

警貪求

蠅頭利賂十分追不恤人難任四知一旦積  
成盈貫罪取招業債倩烏誰

諫招後言

忠言十九不機投面苟相從背變離范蠡悟  
來無後患夫差徒見子胥羞

賤利名

歸去來兮雪滿頭利名心上擊然休當機抵  
了輪迴債也是今生贏一籌

幽居

欄檻數竿君子竹矮窻幾卷聖人書遊仙夢  
斷松陰轉一操絲桐樂有餘

內巧

吹紅海底一爐火消却山頭兩片冰火自滅  
時冰自盡日光月色共圓明

嘆道寶

連三

五

陶甄大璞作生涯耀古輝今無玷瑕放去收  
來天地窄崢嶸神用應無涯

雪後調琴

閑樂絲桐取次調坐親爐火恣逍遙貪憐微

外琅然曲不管門前雪未消

晝眠

晝寢明窓况味高  
心頭塵慮絕  
纖毫甜然半  
覺遊仙夢又向壺天看一遭

兵後遊河中府

舜都樓閣冠天下  
幾逐灰殘幾度修  
唯有條山林麓在  
魏魏依舊過春秋

寥陽宮西軒

西軒高卧性朦朧  
飲醉西風混太空  
空裏幾多真變化  
樂然分付不言中

寂寂西軒遠市廛  
寬藏法界我深憐  
侯門人到慵相對  
獨稱閑人宴坐禪  
西軒雲憇枕書眠  
瓦鼎山檀裊瑞煙  
一味清音偏貫耳  
瑤琴風鼓自琅然

登鶴雀樓觀河

地上長河天底山  
天吳怒激浪迴還  
爭如樓上無名客  
不起風波自在閑

夏日晚興

自南薰吹晚生涼  
散褐橫琴對夕陽  
三弄聲殘明月上  
矮童來請夜燒香

初春雨後

膏雨初晴日漸長  
輕寒猶自勒羣芳  
道情樂景憑誰說  
獨傲東風立夕陽

寥陽宮早起

幾韻金鐘送曉寒  
遊仙夢斷不成眠  
起觀太

連三

六

華峯頭月斜照  
條山影浸天

文秀才問道

常道真常常自知  
知常常道乃無爲  
無爲爲得無言說  
說說著真常道即離

寄山南任先生

塵談一別十年間幾見賓鴻謾往還望斷前  
山風月底想應一樣養高閑

贈張先生入園

禁身禁足勤行道忘相忘言宴坐禪大覺圓  
通明五眼不離當處是羅天

嘆日月催促

纔過中秋皓月圓又逢重九菊花天四時直  
恁催人老攬撥一年又一年

警斂喪

生死朝昏事不訛壽長壽短一南柯臨喪莫



起悲酸念輪到頭來柰爾何

重遊河中

四十年前此地遊繁華幾換度春秋黃河不  
在興亡殼依舊滔滔東注流

幽居晚步

麻衣拂地瘦筇長踏破雲山正夕陽回首黃  
昏香火罷笑披風月入禪房

嘆害人者人害

蟬噪松枝興未休螳螂牙爪利如鈎一心只  
慕甜蟬味豈顧黃鸝在後頭

明守分

平生無作為稟性太愚癡一鉢千家飯三冬  
百衲衣般般常足意事事不愁眉何為窮能  
固玄元說儉慈

秋赴河津立菴讚貧

蓑笠離桑梓時當霜葉天琴書拋我友瓶鉢  
謁他賢瓦解霜侵榻簷頽雨滴椽虎狼蹤戶  
外苔蘚滿窻前行訝顏淵巷眠偃后稷綿几  
無龍尾硯架絕鴈頭牋淺蘸秃毫筆濃磨破  
竈煙興題袁憲傳閑閱范丹篇不怨人深悒

常思已薄緣固窮心不濫抱道志彌堅杳杳  
冥冥坐昏昏默默禪幻軀培丈室真性透重  
玄內外融無二縱橫滿大千五行難造化二  
氣罷催煎極樂清涼境逍遙自在仙妙機無  
可說緘口待天年

警門人

修行莫盲志戒精誠天崩莫懼地陷休驚下  
忘貧賤上傲公卿鬧中取靜死裏逃生內全  
淨體外絕人情圓明五眼證果三乘斯言再  
囑余弟余兄鸞飛真跡跛鼈慵行面從背毀

財重義輕樂從猿耍動學雞爭性迷聲色意  
在功名問君端的曷幹前程

遺世頌

人聽清角不聞雷震我今歸去大限有盡好  
事擬說說也難信余弟余兄道之可進

悟真集卷下



